
ҒАЗНОВ МАҲАЛЛАСИДА ИЧИМЛИК СУВИ ТАЪМИНОТИНИ ЯХШИЛАШ МАҚСАДИДА ТИК ҚУДУҚ ҚАЗИЛАДИ

Ғазнов маҳалласида ичимлик суви таъминотини яхшилаш мақсадида тик қудуқ қазилади

Президентимизнинг Сўх тумани комплекс ижтимоий-иқтисодий ривожлантиришга доир қабул қилган 4798-сонли қарори асосида туманимиз миқёсида ичимлик суви таъминотидаги муаммоларни бартараф этилиши мақсадида кенг кўламли ишлар олиб борилди. Бироқ, ушбу соҳадаги камчиликлар баъзи ҳудудларда муаммолигича қолмоқда.

“Ўзсувтаъминот” МЧЖ Сўх тумани филиали раҳбари Фарҳоджон Азимбековнинг бизга берган маълумотига кўра, бугун ичимлик суви долзарб масала бўлиб қолган Ғазнов маҳалласида ишлар бошланиб юборилди. Мазкур маҳалада ичимлик суви таъминоти мақсадида тик қудуқ қазилади.

Соҳа раҳбарининг сўзларига кўра, Ғазнов маҳалла фуқаролар йиғинига Президентимизнинг 4798-сонли қарори асосида аҳолини тоза ичимлик суви билан таъминлаш мақсадида янги ичимлик сув қудуғи қазиш учун махсус техника воситаси келиниб, ишлар бошлаб юборилди. Албатта, бу воқеликни маҳалла аҳли хурсандчилик билан қабул қилдилар.

Мазкур маҳалладаги ўрганишлар ҳам маҳаллада асосан ичимлик суви танқислигини кўрсатди. Аслида Ғазнов сўзининг асл маъноси “Сув хазинаси” деганидир.

Сўх тумани ҳокимлиги Ахборот хизмати

Бизни ижтимоий тармоқларда кузатинг [Facebook](#) | [Telegram](#) | [Telegram murojaat](#) | [Youtube](#) | [Instagram](#)

2023-02-11 16:06:09